

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা।

সংবাদ গতিধারা

ঢাকা, সোমবার ২৮ ডিসেম্বর ২০১৫, ১৪ পৌষ ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। পৌর নির্বাচনের পর জঙ্গি দমনে অভিযান : স্বরাষ্ট্রমন্ত্রী
- ২। সরকারি সব অফিসে সোলার প্যানেল স্থাপন করা হবে- গৃহায়ণ ও গণপূর্তমন্ত্রী
- ৩। আসন্ন পৌরসভার নির্বাচনে প্রস্তুতি সম্পন্ন
২২৯ পৌরসভায় বিজিবি মোতায়েন, ৬টিতে কোস্টগার্ড
- ৪। বিদ্যুৎকেন্দ্র নির্মাণে বাড়তি ১৮ কোটি ডলার দেবে বিশ্বব্যাংক
- ৫। চট্টগ্রামে জঙ্গি আস্তানায় স্নাইপার রাইফেল, সেনা পোশাক উদ্ধার
- ৬। বিসিএস ২৬ ক্যাডারের এক ঘন্টার কর্মবিরতি : পহেলা জানুয়ারির পর থেকে ধর্মঘট
- ৭। বেতন কাঠামোর বৈষম্য নিরসনের দাবিতে সব বিশ্ববিদ্যালয় বন্ধের হুমকি শিক্ষকদের
- ৮। পাকিস্তানি ১৯৫ যুদ্ধাপরাধীর বিরুদ্ধে তদন্ত শুরু হচ্ছে
- ৯। প্রবাসী কর্মীদের সন্তানের ভর্তি কোটা রাখার সুপারিশ সংসদীয় কমিটির
- ১০। এ বছর ৫ লাখের বেশি কর্মী বিদেশে গেছেন : 'রিফিউজি এন্ড মাইগ্রেশনের মুভমেন্ট রিসার্চ'
ইউনিট এর রিপোর্ট

১। পৌর নির্বাচনের পর জঙ্গি দমনে অভিযান : স্বরাষ্ট্রমন্ত্রী

পৌর নির্বাচনের পর জঙ্গি দমনে বিশেষ অভিযান শুরু হচ্ছে বলে জানিয়েছেন স্বরাষ্ট্রমন্ত্রী আসাদুজ্জামান খান কামাল। তিনি বলেন নির্বাচনের সময় কমিশন যেভাবে চাইবে সেভাবে আইন-শৃঙ্খলা রক্ষাকারী বাহিনীর কার্যক্রম চলবে। নির্বাচন শেষ হলে আমরা অভিযান চালাবো। যেসব জায়গায় প্রয়োজন সেসব জায়গাতেই এ অভিযান পরিচালিত হবে। সচিবালয়ে গতকাল ২৭ ডিসেম্বর রোববার সাংবাদিকদের তিনি এসব কথা বলেন। সূত্র-ইণ্ডেফাক (পৃ.২,ক.৬), সংবাদ (পৃ.১,ক.৫), ইনকিলাব (পৃ.১,ক.৮), নিউএজ (পৃ.৩,ক.৭), ফিনানশিয়াল এক্সপ্রেস (পৃ.২,ক.৪)

২। সরকারি সব অফিসে সোলার প্যানেল স্থাপন করা হবে- গৃহায়ণ ও গণপূর্তমন্ত্রী

আগামী দুই বছরের মধ্যে সরকারি সব অফিসের ছাদে সোলার প্যানেল স্থাপন করা হবে বলে জানিয়েছেন গৃহায়ণ ও গণপূর্ত মন্ত্রী ইঞ্জিনিয়ার মোশাররফ হোসেন। গতকাল ২৭ ডিসেম্বর রোববার বিদ্যুৎ ভবনে ‘ছাদে সোলার প্যানেল স্থাপনের সম্ভাবনা’ শীর্ষক সেমিনারে প্রধান অতিথির বক্তব্যে তিনি এসব কথা বলেন। সূত্র-ইনকিলাব (পৃ.৩,ক.৬), জনকণ্ঠ (পৃ.৩,ক.১), নিউএজ (পৃ.২,ক.২), ফিনানশিয়াল এক্সপ্রেস (পৃ.৩,ক.৫)

৩। আসন্ন পৌরসভার নির্বাচনে প্রস্তুতি সম্পন্ন

২২৯ পৌরসভায় বিজিবি মোতায়েন, ৬ টিতে কোস্টগার্ড

পৌরসভা নির্বাচনের সব প্রস্তুতি সম্পন্ন। নির্বাচনী সরঞ্জাম ব্যালট পেপার, ভোটের বাক্স, অমোচনীয় কালি, সিলসহ যাবতীয় উপকরণ রিটার্নিং অফিসারের কাছে পাঠানো হয়েছে। সূত্র-ইনকিলাব (পৃ.১,ক.২), সমকাল (পৃ.১,ক.৮) ইন্ডিপেনডেন্ট (পৃ.১,ক.১) জনকণ্ঠ, ভোরের কাগজ, নিউএজ এ বিষয়ে লিড নিউজ ছেপেছে।

আসন্ন পৌরসভা নির্বাচনে ২২৯টি পৌরসভায় বিজিবি এবং ৬টি পৌরসভার কোস্টগার্ড মোতায়েনের সিদ্ধান্ত নেয়া হয়েছে। গতকাল ২৭ ডিসেম্বর নির্বাচন কমিশন এ সংক্রান্ত চিঠি স্বরাষ্ট্র মন্ত্রণালয়ে পাঠায়। ইসির নির্দেশনা অনুযায়ী পরিপত্রও জারি করেছে স্বরাষ্ট্র মন্ত্রণালয়। গতকাল মধ্যরাতে থেকেই নির্দেশনা অনুযায়ী মাঠে নেমেছে বিজিবি। সূত্র-সংবাদ (পৃ.১,ক.৮), ডেইলি সান (পৃ.১,ক.১), নিউ নেশন (পৃ.১,ক.১)

৪। বিদ্যুৎকেন্দ্র নির্মাণে বাড়তি ১৮ কোটি ডলার দেবে বিশ্বব্যাংক

সিদ্ধিরগঞ্জ ৩৩৫ মেগাওয়াট কম্বাইন্ড সাইকেল পাওয়ার প্ল্যান্ট নির্মাণে বাড়তি ১৭ কোটি ৭০ লাখ ডলার দেবে বিশ্বব্যাংক। বাংলাদেশি টাকায় এর পরিমাণ প্রায় ১ হাজার ৪০০ কোটি টাকা। এ বিদ্যুৎকেন্দ্রকে জ্বালানি সাশ্রয়ী পিকিং পাওয়ার প্ল্যান্ট এ রূপান্তরিত করার জন্য এ বাড়তি অর্থ দেওয়া হবে। এর আগে বিদ্যুৎকেন্দ্রটি নির্মাণে ৩৫ কোটি ডলার দিয়েছিল বিশ্বব্যাংক। অর্থনৈতিক সম্পর্ক বিভাগ ও বিশ্বব্যাংকের মধ্যে এ ব্যাপারে গতকাল ২৭ ডিসেম্বর রোববার একটি ঋণচুক্তি হয়েছে। চুক্তি স্বাক্ষর করেন ইআরডির অতিরিক্ত সচিব কাজী শফিকুল আজম এবং দেশে বিশ্বব্যাংকের ভারপ্রাপ্ত কান্ট্রি ডিরেক্টর ইফফাত শরীফ। সূত্র-প্রথমআলো (পৃ.১২,ক.৫), যায়যায়দিন (পৃ.৫,ক.৬), জনকণ্ঠ (শেষ পৃ,ক.১), ফিনানশিয়াল এক্সপ্রেস (পৃ.৮,ক.৩) ডেইলি অবজারভার বিজনেস (পৃ.১৭,ক.১)

৫। চট্টগ্রামে জঙ্গি আস্তানায় স্লাইপার রাইফেল, সেনা পোশাক উদ্ধার

ঢাকার পর এবার চট্টগ্রামে জঙ্গি আস্তানার সন্ধান পাওয়ার কথা জানিয়েছে নগর গোয়েন্দা পুলিশ হাটহাজারী উপজেলায় আমানবাজার এলাকার ওই জঙ্গি আস্তানার গত ২৬ ডিসেম্বর শনিবার রাতে প্রায় সাড়ে চার ঘন্টা অভিযান চালিয়ে যুক্তরাষ্ট্রের তৈরি একটি অত্যাধুনিক এমকে-১১ স্লাইপার রাইফেল, ২৫০ রাউন্ড গুলি, দুই কেজি জেল এলপ্লোসিভ, ১৪টি সেনা পোশাক, বোমা তৈরির বিপুল পরিমাণ সরঞ্জাম উদ্ধার করেছে গোয়েন্দা সংস্থা। সূত্র-যুগান্তর (পৃ.১,ক.১), জনকণ্ঠ (পৃ.১,ক.৩), ইত্তেফাক, সমকাল, বাংলাদেশ টুডে, ডেইলি সান, ডেইলি স্টার, অবজারভার এ বিষয়ে লিড নিউজ ছেপেছে।

৬। বিসিএস ২৬ ক্যাডারের এক ঘন্টার কর্মবিরতি : পহেলা জানুয়ারির পর থেকে ধর্মঘট।

পে-স্কেল ও চাকরির বৈষম্য নিরসনের দাবিতে প্রকৌশলী, কৃষিবিদ, চিকিৎসক (প্রকৃতি) ও ২৬টি ক্যাডার ও বিভিন্ন ফাংশনাল সার্ভিসের কর্মকর্তারা গতকাল ২৭ ডিসেম্বর থেকে প্রতিদিন এক ঘন্টার কর্মবিরতি পালন শুরু করেছেন। ৩০ ডিসেম্বর পর্যন্ত এ কর্মসূচি চলবে। প্রতিদিন দুপুর ১২টা থেকে একটা পর্যন্ত এক ঘন্টার কর্মবিরতি পালন করা হবে বলে ইতোমধ্যে সংগঠনের পক্ষ থেকে জানানো হয়েছে। সূত্র-সংবাদ (পৃ.১,ক.৩)

৭। বেতন কাঠামোর বৈষম্য নিরসনের দাবিতে সব বিশ্ববিদ্যালয় বন্ধের হুমকি শিক্ষকদের

বেতনবৈষম্য নিরসনে পাবলিক বিশ্ববিদ্যালয়ের শিক্ষকদের দাবি মেনে না নিলে একযোগে সব বিশ্ববিদ্যালয় বন্ধ করার হুমকি দিয়েছেন শিক্ষকরা। গতকাল ২৭ ডিসেম্বর রোববার ঢাকা বিশ্ববিদ্যালয় ক্লাবে 'বাংলাদেশ বিশ্ববিদ্যালয় শিক্ষক সমিতি ফেডারেশন'-এর এক সংবাদ সম্মেলনে সভাপতি অধ্যাপক ফরিদ উদ্দিন আহমেদ এ ঘোষণা দেন। সূত্র-সমকাল (পৃ.১,ক.২), ইনকিলাব (পৃ.১,ক.১), যায়যায়দিন (পৃ.১,ক.৬), নিউএজ (পৃ.৩,ক.২), ফিনানশিয়াল এক্সপ্রেস (পৃ.৩,ক.৬) নিউ নেশন এ বিষয়ে লিড নিউজ ছেপেছে।

৮। পাকিস্তানি ১৯৫ যুদ্ধাপরাধীর বিরুদ্ধে তদন্ত শুরু হচ্ছে

দেশীয় যুদ্ধাপরাধীদের পাশাপাশি এবার পাকিস্তানের ১৯৫ যুদ্ধাপরাধীর বিরুদ্ধে তদন্ত করবেন আন্তর্জাতিক অপরাধ ট্রাইব্যুনালের তদন্ত সংস্থা। বর্তমানে তাদের বিরুদ্ধে তথ্য-উপাত্ত সংগ্রহ চলছে এবং সরকারের নির্দেশনা পেলে ও ক্ষেত্র প্রস্তুত হলে তদন্ত শুরু হবে। এছাড়া পলাতক মানবতাবিরোধী অপরাধীদের সম্পত্তি বাজেয়াপ্ত বিধান যুক্ত করে আন্তর্জাতিক অপরাধ আইন' ১৯৭৩-এর সংশোধন চেয়ে আবেদন জানিয়েছেন তদন্ত সংস্থা। গতকাল ২৭ ডিসেম্বর রোববার তদন্ত সংস্থার কার্যালয় রাজধানীর ধানমন্ডির সেফহোমে সংবাদ সম্মেলনে এসব তথ্য জানান তদন্ত সংস্থার প্রধান সমন্বয়ক সানাউল হক। সূত্র-যায়যায়দিন (শেষ পৃ,ক.৮), সমকাল (পৃ.২,ক.৬), ভোরের কাগজ (পৃ.১,ক.১),

ইন্ডিপেন্ডেন্ট (শেষ পৃ,ক.১), অবজারভার (পৃ.১, ক.৬), সংবাদ এ বিষয়ে লিড নিউজ ছেপেছে।

৯। প্রবাসী কর্মীদের সন্তানের ভর্তি কোটা রাখার সুপারিশ সংসদীয় কমিটির

প্রবাসী কর্মীদের সন্তানদের দেশের স্কুল-কলেজে ভর্তির জন্য মেধাভিত্তিক কোটা রাখতে ভর্তির নীতিমালায়

সংশোধন আনার প্রস্তাব দিয়েছে সংসদীয় কমিটি। গতকাল ২৭ ডিসেম্বর রোববার সংসদ ভবনে অনুষ্ঠিত শিক্ষা মন্ত্রণালয় সম্পর্কিত সংসদীয় স্থায়ী কমিটির বৈঠকে এই প্রস্তাব দেয়া হয়। সূত্র-ইন্ডেফাক (পৃ.১৯,ক.৩), ভোরের কাগজ (পৃ.২,ক.২)

১০। এ বছর ৫ লাখের বেশি কর্মী বিদেশে গেছেন : ‘রিফিউজি এন্ড মাইগ্রেশন মুভমেন্ট রিসার্চ’ ইউনিট এর রিপোর্ট

গত বছরের তুলনায় এ বছর প্রায় ৩০ শতাংশ অভিবাসন বেড়েছে। চলতি বছরের ২১ ডিসেম্বর পর্যন্ত বিদেশে চাকরি নিয়ে গেছেন পাঁচ লাখেরও বেশি কর্মী। রেমিটেন্স প্রবাহও বেড়েছে ১ দশমিক ৮ শতাংশ। গতকাল ২৭ ডিসেম্বর রোববার জাতীয় প্রেসক্লাবে আন্তর্জাতিক শ্রম অভিবাসনের গতি-প্রকৃতি ২০১৫ সাফল্য ও চ্যালেঞ্জ শীর্ষক গবেষণা প্রতিবেদন প্রকাশ করেছে ‘রিফিউজি এন্ড মাইগ্রেশন মুভমেন্ট রিসার্চ ইউনিট। সূত্র-জনকণ্ঠ (পৃ.১,ক.২), প্রথম আলো (পৃ.১৭,ক.২), ফিনানশিয়াল এক্সপ্রেস এ বিষয়ে লিড নিউজ ছেপেছে।

=8=

সম্পাদকীয়

- ক. **প্রথম আলো, দি ইন্ডিপেন্ডেন্ট** : বাংলাদেশের ইতিহাসে প্রথম বিচার বিভাগীয় সম্মেলনে নির্বাহী বিভাগ ও বিচার বিভাগের মধ্যে সহযোগিতামূলক সম্পর্ক আরও জোরদার করার যে অঙ্গীকার ব্যক্ত করা হয়েছে তা যথাযথভাবে পালন করা হবে।
- খ. **ইন্ডেফাক** : বাংলাদেশে প্রতি বৎসর প্রায় তিন লাখ মানুষ ক্যান্সারে আক্রান্ত হয় আর মৃত্যু ঘটে প্রায় আড়াই লাখ মানুষের এক প্রতিবেদনে প্রকাশিত হয়েছে উল্লেখ করে ক্যান্সার চিকিৎসা ব্যবস্থার হওয়ায় এ রোগ প্রতিরোধে সবাইকে সচেতন হওয়ার আহ্বান।
- গ. **জনকণ্ঠ** : অতিরিক্ত যানবাহনের চাপে ও অত্যন্ত ঘনবসতির কারণে ঢাকায় চলাচলের ব্যবস্থা হুমকির মুখে পড়েছে উল্লেখ করে যানজট নিরসন ও ট্রাফিক নিয়ন্ত্রণে রাস্তা সংস্কারের পাশাপাশি রাস্তা রক্ষণাবেক্ষণে যথাযথভাবে ব্যবস্থা নেওয়ার ওপর গুরুত্বারোপ।
- ঘ. **সংবাদ** : অপরিকল্পিত ভাবে তৈরি হওয়া চিংড়ি ঘেরের এক হাজার ৮২ টি বাঁধ অপসারণ না করার কারণে মংলা ঘষিয়াখালী নৌ চ্যানেলটি আবার ভরাট হয়ে যাওয়ায় অবিলম্বে ঘেরের বাঁধগুলো অপসারণ করার দাবি।
- ঙ. **যুগান্তর** : বেসরকারি হাসপাতালের নানা নৈরাজ্য দূর করতে আইন প্রণয়ন জরুরি বলে মন্তব্য।
- চ. **নিউ নেশন** : শিশুদের জন্য মাতৃদুগ্ধের বিকল্প গুঁড়া দুগ্ধের মান নিয়ন্ত্রণ নিয়মিত মনিটরিংয়ের সুপারিশ
- ছ. **ডেইলি সান** : অবৈধ পথে বিদেশে মানবপাচার বন্ধে কঠোর আইন প্রয়োগের দাবি।
- জ. **দি ইন্ডিপেন্ডেন্ট** : রাজধানী ঢাকায় বিশুদ্ধ ও নিরাপদ পানি সরবরাহের ওপর গুরুত্বারোপ করে সম্পাদকীয় প্রকাশ করেছে।

উপ-সম্পাদকীয়

ইত্তেফাক পত্রিকায় প্রকাশিত কলামে সাম্প্রদায়িকতা ও জঙ্গিবাদের মতো রাষ্ট্রদ্রোহী শক্তিকে মোকাবিলার জন্য প্রশাসনিক ও রাজনৈতিক পদক্ষেপ গ্রহণ জরুরি বলে উল্লেখ করা হয়েছে।

নিবন্ধ ও ফিচার

প্রথম আলো পত্রিকায় প্রকাশিত “অবাধ ও সুষ্ঠু নির্বাচনে ইসির ভূমিকায়” শিরোনামের নিবন্ধে এম সাখাওয়াত হোসেন একটি সুষ্ঠু, গ্রহণযোগ্য ও অবাধ নির্বাচনের জন্য স্বাধীনচেতা ও শক্তিশালী নির্বাচন কমিশন এবং স্বচ্ছ নির্বাচনী প্রক্রিয়ার বিকল্প নেই বলে অভিমত প্রকাশ করেছেন।

#

ফারহানা/শুকলা/সাইদা/রশীদ/২০১৫/৯.০০ ঘণ্টা